



Broj/Број: 4/1-50-1-83-18/05
Sarajevo/Сарајево: 25.01.2005. godine

ZAPISNIK

Osamnaeste sjednice Zajedničke komisije Parlamentarne skupštine BiH za odbrambenu i sigurnosnu politiku i nadzor nad radom odbrambenih i sigurnosnih struktura na nivou BiH koja je održana 25.01. 2005. godine, u vremenu od 13,30 do 14,00 sati.

Sjednici su prisustvovali članovi Zajedničke komisije: Boško Šiljegović, Šefik Džaferović, Branko Zrno, Vinko Radovanović, Osman Brka, Adem Huskić, Halid Genjac, Vinko Zorić i Anto Spajić. Iz opravdanog razloga sjednici nisu prisustvovali Momčilo Novaković i Seada Palavrić, te Mirko Blagojević.

Sjednici su prisustvovali i gosti: Dragan Mektić i Samir Rizvo iz Ministarstva sigurnosti BiH, Neven Kazazović i Momo Ševarika, eksperti iz entitetskih parlamenta, Christian Haupt, Rodolphe Oberle i Sanja Ficdzerald iz OSCE-a.

Sjednici su prisustvovali i Dragica Hinić, privremeni sekretar Zajedničke komisije, te Željko Grubešić, ekspert za pomoć u radu Komisije.

Sjednicom je predsjedavao Boško Šiljegović.
Za raspravu na sjednici predložen je slijedeći

DNEVNI RED:

1. Verificiranje zapisnika prvog dijela 17. sjednice Zajedničke komisije;
2. Informacija Ministarstva sigurnosti BiH o učestvovanju policijskih službenika u mirovnim misijama i Ministarstva odbrane BiH o učešću pripadnika Oružanih snaga BiH, u skladu sa zaključkom Zajedničke komisije;
3. Prijedlog Orijentacionog radnog plana Zajedničke komisije za 2005. godinu;
4. Razno.

Dnevni red članovi Zajedničke komisije jednoglasno su usvojili.

Ad.1. Verificiranje zapisnika prvog dijela 17. sjednice Zajedničke komisije

Zapisnik prvog dijela 17. sjednice članovi Zajedničke komisije verificirali su jednoglasno.

Ad.2. Informacija Ministarstva sigurnosti BiH o učešću policijskih službenika u mirovnim misijama i Ministarstva odbrane BiH o učešću pripadnika Oružanih snaga BiH

Boško Šiljegović informirao je prisutne da je Ministarstvo odbrane BiH dostavilo 11.11.2004. godine Informaciju o aktuelnim i budućim misijama pripadnika Oružanih snaga BiH, koji je Komisija razmotrала na 16. sjednici održanoj 08.12.2004. godine. Tom prilikom konstatirano je da još uvijek postoje određene nepoznanice vezane za upućivanje subjekata u mirovne operacije izvan BiH, te je usvojen i zaključak kojim je od Predsjedništva i Ministarstva odbrane BiH zatraženo da

dopune dostavljenu Informaciju, a od Ministarstva sigurnosti BiH i Vijeća ministara da dostave Informaciju za policijske i druge državne službenike koji su uključeni u aktuelne ili buduće mirovne i druge misije izvan BiH, u roku od 7 dana.

Naglasio je da je samo Ministarstvo sigurnosti dostavilo Informaciju po navedenom zaključku Zajedničke komisije.

Članovi Komisije potom su uputili primjedbu institucijama koje nisu dostavile tražene informacije, te podržali informacije Ministarstva sigurnosti i Ministarstva odbrane i uputili ih u dalju parlamentarnu proceduru.

Ad.3. Orijentacioni radni plan Zajedničke komisije za odbranbenu i sigurnosnu politiku za 2005. godinu

Boško Šiljegović informirao je članove Komisije o Prijedlogu orijentacionog plana za 2005.godinu, te otvorio raspravu.

Osman Brka predložio je izmjenu Orijentacionog plana u dijelu koji tretira pitanje obilaska DGS-a tako da se svi obilasci DGS-u obave u prvoj polovini godine, što je jednoglasno prihvaćeno.

Vinko Zorić uputio je primjedbu na dio Orijentacionog plana koji se odnosi na zavisnost realiziranja posjeta parlamentima određenih zemalja od donacija, s obzirom na to da je ova komisija tijelo Parlamenta koji treba podržati njen rad. Stoga treba brisati rečenicu kojom se utvrđuje zavisnost posjeta od donacija.

Branko Zrno u potpunosti je podržao primjedbu predhodnika, kao i **Adem Huskić** koji je predložio i da se u Plan uvrste posjete parlamentima Rumunije, Bugarske i Turske.

Svi navedeni prijedlozi jednoglasno su prihvaćeni.

Boško Šiljegović je istakao da postoji potreba za saradnjom sa zemljama Baltika, te da Orijentacioni plan nije zatvoren za dalje izmjene i dopune.

Nakon kraće rasprave, uz naprijed navedene izmjene, jednoglasno je usvojen Orijentacioni radni plan za 2005. godinu.

Ad.4. Tekuća pitanja:

a) Na službeni put u Zagreb, u vremenu od 31.01. do 03.02.2005. godine, na poziv i u organizaciji RAKVIAK-a koja organizuje seminar na temu «Uloga parlamenta u reformi sektora sigurnosti», kolegijima je predloženo da se upute Osman Brka i Vinko Zorić.

b) Željko Grubešić kratko je informirao o konačnom pozivu Švajcarskog parlamenta članovima i osoblju Zajedničke komisije, koji će u vremenu od 29.03. do 02.04. 2005. godine posjetiti Švajcarski parlament, Ministarstvo odbrane ove zemlje i DICAF-a. Švajcarska će snositi troškove smještaja i prijevoza za sve učesnike.

Potom je je kolegijima jednoglasno predloženo da se na navedeni službeni put upute svi članovi Zajedničke komisije, sekretar i ekspert.

c) Željko Grubešić informirao je o već izvjesnoj donaciji DICAF-a za nabavku laptopa članovima, sekretaru i ekspertu pri Zajedničkoj komisiji. Naglasio je da se ovih dana očekuje konačan prijedlog ugovora u kome će biti precizirani uslovi donacije. Laptopi će članovi Komisije zadužiti putem reversa i koristiti za vrijeme trajanja mandata u Parlamentu.

Navedenu informaciju članovi Zajedničke komisije primili su k znanju.

Zapisnik sačinila:
Dragica Hinić

Privremeni predsjedavajući
Zajedničke komisije:
Boško Šiljegović

